

景雲含瑞布慈恩淑德流芳金谷園兔角抽條呈五葉虛空影冷月黃昏
共目稱號標格雪如潔襟懷春如温俊機具獻珠用應化結誦經婚時穿
祖師鼻孔深徹諸佛心源冷笑總持得肉豈屑愈婆拋盆消中陰方五七
坐寶蓮獨稱尊正當小練忌辰應供消息若公評論拈香云橫山煙雨催
涼氣掠面溪風拂暑煩

景德院殿大練忌

景光七々夢中移驚破虛空舊面皮唯為廉欽貞節蜜依然舜操德陰滋
恭目稱號入芝蘭室歌頌藝詩撫子弄孫海涵養育隨緣應物安行用施
高掛大涅槃鏡照髮上白雪橫提小芙蓉劍斬脚下紅絲本脫百非網何
論三點伊泰國參一字之無具足大丈夫志氣朝雲了六如之偈呵罵新
婦子禪師木人佩毘盧印石女掃混沌眉此是淑靈本然無作弄所為即
今尽七忌齋有伴應供一機如何指出其來儀拈香云圓鑑朗環雲外月
真珠群躍雨中池

同水陸會 禺中

五蘊非有又非空一段靈光用叵窮甘露門開無擁塞大千托出率陀宮

暨香院殿梅苑壽梢大居士十三回忌

五葉輪鮮雪裏枝暗香猶董十三替羅浮夢覺黃昏月一段精神說向誰
散說云々恭惟稱号愛物無黨撫民有慈鳴鴈鶴鶴本是營家之英族蠟
蛤螺贏終紹大聖之洪基貫通七佛以前血脉弄出三身數外玄規不即
不離兄弟摠情山花開洞水湛乃聞乃見遐邇誦德江月照松風吹欲問
花來處東君亦不知如上閑落索暨香院殿于生于滅百非不到王三昧
正當十三回忌景應供有伴消息且聽取香嚴童子口禪拈香云博山拍
手纔移風白鼻崑崙笑展眉

同副法事真龍院殿請

美玉精金眼裏埃香烟一縷德難灰奇哉大聖應供信敬郁梅花粧雪胎

景德院殿百々日八月十四日

一百居諸閃電中卒哭從他賊後弓忌景中秋方既望禪心月朗廣寒宮
恭以稱號正當十旬之諱齊點頭應供有伴雷同以覆蔭後昆底消息如
何指標其信衷拈香曰雨後爽晏堪畫處九埃蕙徹木犀風

榮操院殿文明月海大姊十七年忌

槐宮榮盛豈堪誇恭謙操持節可嘉窈窕義容猶未改流芳五出早梅花
稱號蟠桃奇寶紫蘭瑞芽其德也燕金有假其名也趙璧無瑕五障雲暗
明月生海二株蔭茂文華滿家十七年強猶聞淑靈三千里外誰見諸誰
正當忌景應供消息如何指出鼻巴通宵古木龍吟起破曉寒空鴈字斜

同塔婆銘

五輪獨露落々層々文明華月德滿海陵榮隆仰操節用與四智靈鑑
萬世規繩

同馬中水陸會

大開無遮甘露門放光延接盡乾坤森羅萬象飽禪悅促雪清瀾海嶽噴

同添法事

常唱經王七字題和聲親要證菩提乾坤感得奔膝六托出蓮臺潔似圭
自示榮枯十七年拔群雅操屬天然遺風堪想文明德報地莊嚴車大邁

福應院壽林榮榮大姊廿五回忌

福慧應來德澤優壽林襯錦轉風流看々五年回信處心月輪圓彼岸秋

顯光院殿洪倫慧範大姊三回忌

顯顯隨綠光射空一天洪範德聲隆莫言烏兔三回變穩坐長存兜率宮

蘇迷盧南畔豐葦原賀蘭州天德禪院大檀越奉三寶君子管原朝臣從
三位上宰相慶寧賢公今茲慶應丙寅年八月十又三日伏值顯光院殿

二十五日大祥忌景特就山門營辨三德淨味無邊珍饈延請方袍圓頂
六和苾芻衆修水陸會禮圓通懺誦大佛頂白傘蓋神咒以資薦冥福

莊嚴報地之次令堂布祔燒一香述一辭以慶讚齊筵君命之切豈可厭
止哉蘋蘩潢潦只在明信儒典猶然何况吾教乎苟一言契理則透脫生

死○困○續○踏○斷○佛○祖○頂○願○者○是○禿○僧○家○家○常○茶○飯○而○已○因○拈○出○一○炷○都○盧○婆○
插○蘇○爐○中○供○養○現○座○道○場○本○師○釋○迦○文○佛○盡○十○方○果○海○無○量○聖○賢○十○界○十○
二○類○合○靈○等○合○靈○為○之○超○升○聖○衆○為○之○證○明○者○也○月○臨○稱○號○行○齊○夷○險○節○
守○始○終○入○識○七○情○風○來○波○浪○起○三○從○五○障○月○出○乾○坤○融○憐○宋○買○相○之○有○翠○
女○笑○唐○張○日○出○氏○之○出○紅○々○少○林○門○下○總○持○尼○意○氣○相○奪○法○華○會○上○淡○竭○
女○記○別○金○風○露○冷○添○楓○樹○色○秋○清○入○菊○花○叢○佛○世○界○魔○世○界○賞○遊○無○碍○香○
莊○嚴○花○莊○嚴○以○充○正○恁○麼○時○要○見○淑○靈○應○供○光○伴○相○隨○而○發○得○神○通○麼○一○
拂○云○素○影○嬋○娟○荷○浦○月○芳○心○馥○郁○木○犀○風○

同水陸會

二○殿○法○味○妙○難○論○慈○範○大○開○甘○露○門○水○陸○三○千○消○饑○去○靈○光○照○徹○盡○乾○坤○

同添法事

槐○安○夢○覺○正○三○年○無○垢○界○中○乘○化○權○換○却○骨○腔○驚○子○眼○月○圓○秋○滿○舊○山○川○
稱○千○佛○母○老○摩○耶○知○足○天○宮○不○必○踟○請○見○應○供○真○面○目○秋○風○撲○鼻○木○犀○花○

同塔婆銘

雕○琢○功○成○觀○而○相○呈○顯○然○光○采○稱○實○應○名○一○代○洪○範○百○世○鑑○衡○大○祥○忌○景○
中○秋○月○明○天○心○所○歸○坤○德○咸○亨○維○福○維○壽○獨○縱○價○聲○

○聯勝

羽州拈花山三乘院聯

拈花機前衆妙玄門開八字標月指上三車法輪轉一乘

奧州小堤村萬松山大雄寺聯

小堤路上萬松垂蔭自清涼大雄殿中千佛放光常圍繞

見陽山光明寺聯 本尊地藏菩薩

光明藏開廓見大陽麟天外悲願海廣寧障群品應化緣

笹屋善七佛壇聯 號紫石亭姓森本

五時妙辨堪開紫石流水萬德法身可見青松蔭森

地藏堂聯

能化體合虛空天冠巨蓋無緣慈應萬象地藏增堅

聖壽山廣福寺開山堂聯 開山湘水寂潭禪師

聖壽山秀籠千秋瑞湘潭水清漲萬頃波

能州前波邨桂林山洞光寺聯 佛殿八尺間

洞光映海潮萬頃前波憂瑤瑤山色籠鄉鶴千尋後嶽呈吉祥

同開山堂聯 開山壺庵簡禪師末葉三箇寺

嫩柱林中郁烈透垂墜玉壺庵外洞然常放光

越中生地村前名寺聯

賢天插草方是劫前名字之所安陸地生蓮須知現在佛陀之垂跡

尾張府太治山安用寺開山堂聯 開山堂須彌山禪師也

太治道體巍然一座須彌盧山安用神機活潑無邊陸婆若海

越後浦本濱大峯山禪雄寺佛殿聯

大峯千尋秀色螺髻嚴粧獨稱禪雄北海萬頃洪波雷音怒叢長演法義

八幡山龍雲院長傳寺聯

八幡神護嚴天龍恭敬祥雲密鎖一乘化門瀾諸佛圍繞正法長傳

越后雙玉山東光寺聯 本尊藥師如來

東方教主放光鳥免速轉双玉北越群機婦德見開齊脫六塵

全瑞巖山清月寺聯 本尊華嚴釋迦

頂上青紺髮瑞巖高櫛雙嚴眉間白彩毫清月圓昭萬象

越后市振關月照山長圓寺聯

長圓關月照臨無處不周萬頃海潮音響教人齊感

尾州衣浦德雲山福田寺聯

德雲密鎖別峰一味法霖利潤三千世界福川大開衣浦滿發覺果施與

百億人天

越后感應山寶壽院聯 本尊釋迦文佛

巍然寶壽洪基鸞翔鳳舞千秋常富瑞卓爾金仙景德天感地應萬象自

歸宗

遠州森邨梅林院佛殿聯
中央安釋尊左右
架上十六羅漢
胸宇放光示現千華臺上
寶爲法界慈嫺神通延命因透五葉林中何異
靈山勝會

播州新豐山東福寺聯

東嶺門高古佛家風獨自與盛南宗道貴薪豐雅韻誰能唱和

奧州廣澤山寶昌寺聯

廣施恩澤之慈雲雷聲遠震能破悶昏之霽月寶光永昌

越中東旭山光西寺聯

東旭輪圓和法食常轉華轍西聖德秀遍河沙遠放瑞光

信州高嶋地藏寺聯

寶殊照魔光映鷲湖水鑑金錫驚夢響應高島晴嵐

蝦夷島驅波山千走寺聯語

一峰聳秀驅波長鎮北方千走達通當處中興南宗

越中立野邨月景山雲照寺聯

玉兔推輪景山千古勝趣金烏抱卵雲照一天瑞光

同寺金毘羅宮聯

凜々神威振斧驅魔禊疫綿々德澤轉經護法安人

高嶽山雲龍寺聯

石虎振威常起清風無雙高嶽雲龍呈瑞遠施法雨不測深淵

尾州祥雲山長源寺聯語

五朵祥雲含潤親瞻古佛放慈光千尺長源激波自感真龍護正法

訪巨勢松

雨霽傘松養聚脂龍晴月朗歲寒枝濤聲巧奏蒼髯叟巨勢須期飛節芝

越後出雲山長澤寺聯

出岫祥雲再々蜜彌覆法界長流德澤滔々廣濟利群蒙

遠州法華寺開山堂聯開山勅賜法輝圓明

百九十四

高發法輝在接銅頭鉄額遠通正脈須還桂子蘭孫

○雜篇

大應院殿尊牌修復撥遣

法性如空絕貌形隨緣應物也維靈全機豈墮先尼見一異何論黃及青
大般若經新繕

六百金文繙轉辰吉祥如意日鮮新邪魔潛跡三千里擁護綿々二八神

遊越中大牧温泉

四壁千尋鏡絕巔壺中恰是小神仙長生不在煉丹術快沐温泉覺病痊

鉄笛例吹開演

鉄笛拈來獨倒吹誰知落地一雙眉儼前唱拍尤堪愛月冷疎梅雪後枝

慈恩殿修復尊牌假遷

心月當天影應萬水清光一輪何論彼此須識頻伽瓶裏空不增不減塵

々爾響

同落成鎮座

應化那邊復這邊仙遊妙觸轉新鮮霜機織出家林錦展作千秋一坐筵
響到得歸來何所見盧山浙水天然趣

明治八年四月信州村井泉龍寺戒會應請途中山上有花溪間

尙有雪

跋涉句餘伴瘦筇看花踏雪到泉龍時是孟夏米宵曉却訝信濃尙屬冬

景德院殿尊牌開光

卓立無倫類全機不覆藏以筆作金剛一雙眼千古放靈光

雲德殿修理尊牌遷座

去來無跡應用隨緣入不妙體寧認罽罽噴水流本歸海月落不離天

笏銘

長短應量不唯備忘好手逢場受用無方

中山氏祈禱轉般若

玉轉珠回六百箋。靈光照徹界三千。中山孤頂青雲外。兔子懷胎。蚌月圓。

碧岩集開演

欲箴警掩耳。偷鈴豈計呼。鐘却作頷。偶愛夾山猿。叫月對看七十二。崖青。

鐵笛倒吹講了

木鷄啼處夜將央。石虎嘯時風怒。豈舜若多神。哈拍手。幾令盲啞。打蠅。

孟夏朔偶成

空花落盡四無春。鐵樹蕃衍氣。挂旻杜宇。聲々何所感。夢醒唯記雨。頻々。

地藏尊開光

南無地藏願王尊。大放慈光。眼頂門照破。六岐長夜暗。等令群品了心源。

金龍院殿文古雲遊大居士肖像修補撥遣

活潑金龍不守。湫雲遊自在。絕倫儔。通霄一路無人會。修飾何妨。古獨。同點眼。

慈眼馳鳥兔。雲遊不可量。精神開五葉。千歲仰流芳。

大應院殿尊牌修復點眼

雪上加霜。粧極工梅花。面目笑春風。靈廓頂門生。鉄眼一回點。出一回瓏。以橄欖子製十八應真像。是為念珠。清客揚少堂。以之與大機禪師々。今工寫之。鏤之以施焉。其贊曰。二首。

團樂可掬。如狂似痴。一隊蝙蝠。元橄欖兒。嘆游山玩水。妙用奇々。個橄欖子。神變難籌。頭長脛短。萬世宗猷。啖翠竹。無心休繫着。清溪有響。宜入流。故語及于此。

山居

不厭奇巖。險隨流弄轉機。從他貧徹骨。雲贈半肩衣。

能州最安寺戒會日訪國分氏席上之作

機疊屏峰一帶流。滿軒風趣自清幽。煙雲半霽黃梅晚。疑是輞川畫裏遊。三十三所觀世音開光。

金鳥玉兔。雙眼放光。慈悲喜捨。堪見心腸。点毫云。刹々塵々。觀自在。普門。遊戲應無方。

百九十八

轉大般若 田村氏請

六百摩尼特轉辰。魔冤絕跡萬由旬。田邨香稻長繁茂。積善家門德日新。

田谷温泉

田谷秋深趣逼仙。神仙秘訣在温泉。不唯風致殊塵世。更覺健安長壽年。

顯光院殿尊牌開光

金鳥玉兔眼雙明。顯廓靈光徧八紘。定慧長垂千聖範。慈恩任等利群萌。

小春山行

金風颯錦小春天。停杖何人不疑。曉訝見桃源仙路景。飽霜紅葉滿山川。轉大般若 越中生地村田村前名請

總持智劍禊塵煩。六百摩尼照後昆。桂子蘭孫歸聖德。九如天保鎮家門。祝中山氏家門繁榮 号揚水軒

翠色連天揚水光。大溪千歲得流芳。九如高奏中山頂。桂子蘭孫代々昌。

請志玄禪師住祇陀寺開堂山門疏

玄和尚嗣法越前福井城天如山。孝顯寺清拙禪師々々。泥牛之孫也。

大日本國北陸道加州石川郡金澤城鳳凰山祇陀寺山門兩序等恭教。請越前州龍門志玄大和尚。視察本山開堂拈香祝國演法者。右伏以。幽境自在其人何必白雲青嶂。精廬唯隨其處。宜化柳巷花街。幸有屋後龍松吟風濤。更得門前犀水隔塵俗。大智創草古刹英雄接踵。靈場苟非。彼問世之才。安能酬此聯芳之德。恭惟新命堂頭志玄大和尚。身以殉道。實以稱名。在昔參方二十年。探玄珠於赤水。如今住山兩三處。使鳥藤生。清風龍門三級。翫過不滯水。白嶽千尋。坐斷何若。雲旣傳。大女散花之古。曲堪唱泥牛吼月之希聲。是應入草入泥。寧辭爲霖爲雨。一瓣以祝。後天之算。千載能曜前聖之光。則鳳凰山下。鳳凰屯而龍陀陣上。龍蛇躍伏。冀

百九十九

速前象駕來慰寬望

跋書寫妙典

受持讀誦解說之三條書寫之者蓋所以奉行佛徑而裨益世法也三州巴江城主三宅土佐太守咸亨老侯常愛參禪又善書晉禪餘臨馭肥城主伊東侯所珍藏宋刻張樗寮溫夫所書妙典七軸而遺遠介景道者并以書告其成功景道亦謂全部字々運筆有法不踰規矩其臨摹樗寮殆逼其真吁可謂島矣老侯嘗有就堂叩禪之舊是以微贊一語於卷尾老侯筆頭既是三車九喻一乘了義圓滿佛意儼然而包藏焉更欲令堂其處點毫耶阿呵々亦是靈龜曳尾

宗禪寺鎮守天滿宮講中名簿序

當山鎮守天滿大自在威德天神曩昔在筑紫時自誦誓契曰和禮多能武比登遠無奈志具那壽奈良婆阿米加志多仁天娜於屋奈加左支爾來閱星霜一千有餘神猶如在凡有傾信祈禱必無不蒙感應其事實赫枚舉青簡傳繪矣人口也為不少矣卑有信之士深仰神德以欲為永世之依怙者記簿而表其信期月々祭日轉讀大般若經全部於寶前以新念家國興盛子孫長榮萬難消除千祥來轉者也嗚呼神德昭々矣瞻仰有信則悲願不唐誠哉誓契不誣焉

大信說

張藩之產元功上座得々來參布祓於金龍賦性如愚韻度閑雅乃普濟嶺公寵弟也一日出紙需字義不可拒因命以大信二字功又請益其說予乃謂曰察嶺公所以安名元功佛言信為道元功德母增長一切諸善法其職由干茲者也是以予書大信字而命之耳若能信得及佛語則道元功德刹那圓成矣舍利子曰以信得入儒之五常也以信為緊要請憶旃祝々

月坡釜寫銘

趙州曰東壁桂葫蘆月坡道人依樣作摸以置諸金龍室中爾來傳稱之

月坡釜今也某摸之欲山欽慕顏氏德風更參窮于趙老禪器成需銘
曰鐵作葫蘆禪機穎脫洗耳松滋親證胸豁

洞雲寺開基碑銘 洞雲開祖恕仲天閣禪師也

山田修理將監秀次者能州山田鄉洞雲禪寺之開基而發昔領武連竹
山矣鄉有沼二龍潛焉動怪風暴雨害稼穡不母民艱之時物外禪師在
遠之大洞聞之故秣杖而到徑付法脉則其夜沼水洞為陸計之縱橫可
二百四十步鄉人口碑謂之二龍脫苦之報爾後斷無害矣於是乎秀次
深感外師德稟菩薩戒號曰雲岩洞壽大禪定門新締構伽藍請師住附
莊田若干頃大賑香積矣而外以本師充請意自遜居次位也長享中山
田址遂亡焉嫡子藏人輔亦不知所之無世系不可徵何矣磨品山上
杉二氏之亂神社佛閣罹兵火而蕩盡者頗多矣惟洞雲依然踞立蓋尤
物呵護處致歎及乎加越能風菅原氏太守遊狩而到山田感其靈蹤永
除田租矣然秀次之碑年代曠遠而委于榛莽焉現畫龍宗力生慨歎之

新襲石以徵文予々自忘固陋不敢拒之也嗚呼二龍於外師千載之奇
遇而可謂法施亦大耶宜哉秀次景慕之至焉今也龍宗欲報草創之恩
以流芳于千載亦是孝順一片心也夫感而通者天理常也後人復將有
感于斯文銘曰

昔人何在變遷無常布金之地直心道場涌出之阜永出稻梁於迺祖德
山高水長維時文久二年壬戌七月佛歡喜日天德奕堂布衲撰並書

宗要五說

生死透脫

翠巖真因慈明圓禪師問如何是佛法大意真自無雲生嶺上有月落波
心明曠日喝曰頭白齒豁猶作這箇見解如何脫離生死真不敢仰視淚
交頤久之遂問如何是佛法大意明曰無雲生嶺上有月落波心真於言
下大悟 吹九則
奕堂拈曰翠巖但知順水行舟不解逆風使帆慈明可謂白鍊丹砂點

鐵作金者裏論甚雲月頻呼小玉本無事唯要一椀即認得聲稱僧家生死牢關一回分曉不透過爭能入得佛祖堂與且道生甚處來死甚處去勿道四大本空四蓋非有更論甚生死又曰生也全機現死也全機現生死去來真實人體似粗相似是未全是總是學語流類理會安見途中未歸客作兒畢竟堪作甚用不見道面似秋潭月影靜夜鐘聲隨扣擊以無虧觸波瀾而不散猶是生死岸頭事

教外別傳

德山鑑禪師出家受具後精究律藏於性相諸經貫通旨趣常講金剛經義學出群人稱之義虎自謂精通佛法眼空四海不信禪宗有教外別傳之道便曰因教中道金剛喻定後得智中千劫學佛威儀萬劫學佛細行然後成佛他南方魔子便說即心是佛遂發憤擔疏鈔欲直往南方破道魔子道到豐州路上見一婆子賣油糍且買將點心婆曰所載者是什麼山曰金剛經疏鈔婆曰我有一問倘若答得布施油糍作點心若答不得

別處買去山曰但問婆曰金剛經曰過去心不可得現在心不可得未來心不可得上座欲點那箇心山無語婆遂指令去參龍潭纔跨門便問久響龍潭及乎到來潭也不見龍也不現龍潭曰子親到龍潭山乃設禮而退至夜間入室侍立更深潭曰何不下去山遂珍重揭簾而出見外面黑却回曰門外黑潭遂點紙燭度與山山方接潭便吹滅山豁然大悟便禮拜潭曰子見箇什麼便禮拜山曰某甲自今後更不疑着天下老和尚舌頭至來日潭上堂曰可中有箇漢牙如劍樹口似血盆一棒打不回頭他時異日向孤峰頂上立吾道去在山遂取疏鈔於法堂前將火炬拈起曰窮諸立辯若一毫置於大虛竭世樞機似一滴投於巨壑遂燒之第四則奕堂拈云此是德山報恩跨窰那一機也勿錯作輕忽看諸方枉作不立文字教外別傳會底漢須親參力究粉骨一場始得

異類中行

南泉願禪師示曰智不到處切忌道著道著則頭角生喚作如如早是變

了也直須向異類中行。道取異類中事。又有入問曰：和尚百年後向什麼處去？泉曰：我向山下檀越家作一頭水牯牛去。曰：某甲擬隨和尚去，還得否？泉曰：倘若隨我，含一莖，卿來。曹山問僧：時節怎麼？然向甚處迴避？僧曰：鑊頭爐炭裏迴避。山曰：彼中若何迴避？僧曰：衆苦不能到山，默許焉。曹洞錄。

奕堂拈云：曹山更示四禁三墮四異類之密語。長文一一參究透徹去，饒爾不妨異類中行，隨處爲主，摸範人天。

大悟却迷

華嚴休靜禪師因僧問：大悟底人却迷時如何？靜曰：破鏡不重照，落華難上枝。永平高祖拈曰：永平今日入華嚴之境界，廓華嚴之邊際，事不得止。鼓兩片皮，或有人問：永平只向伊道大海若知足，百川應倒流。五十二則吹眼藏第十卷大悟卷。

奕堂拈云：古今往往錯解言，如大悟再不迷，破鏡不重照，百川不倒流。

且得沒交涉，若恁麼則華嚴永平二師，答處似兒戲，相似有什麼奇特。非汝情識之所計較，老僧曾舉此大悟底，迷雖試問於學人，或黏手黏脚，而斬釘截鐵去者也。少這裏不要作道理，咬言句，胡喝亂棒，穩々當々，歇得盡，休得破，莫必枉而自欺焉。古德頌曰：明鏡不曾照，開華奚上枝。華嚴舌頭短，大悟却迷時，百川自有倒流勢，海水更無一滴遺，會也否。虛空突出石鳥龜。

佛祖歸處

長拙秀才看千佛名經，因問長沙岑禪師曰：百千諸佛，但聞其名，未審居何國土，還化何物也。無沙曰：黃鸝樓崔顥題詩後，秀才曾題也未。拙曰：未曾題。沙曰：得閑題取一篇也。好。碧岩集三奕堂拈曰：長沙恁麼答，且道意在甚處。要辨取的處，直須先天爲心，祖莫錯受佛祖瞞。

呈龍泰來應和尚誓支

○一初分明不踏斷生死退流則誓不休
○十二時中不佛祖不傳行履則誓不踐
○從劫至劫於逃情順境第二念誓不生

故禪師略傳

故禪師愛知縣士族平野甚左衛門氏第三子也。以文化二年乙丑正月
元日生。于尾州名古屋城幼稚之間稟性重鈍。經幹亦虛弱。但眼光異常。
射人此為不混凡庸之相也。八年辛未禪師七歲失恃。怙九年壬申小祥
畢請母儀求出家。母儀許之。携到州之沓掛郡聖應寺。就曉林和尚得度。
受戒。聖應寺者係平野氏祖先金左衛門氏開基代々香華院也。禪師具
戒之後居聖應勤學。曉林和尚之慈惠與法兄魏堂和尚之嚴正并。以獎
携之教育周到也。文化元年甲子四月廿二日母儀物故。禪師肉兄某氏
亦來聖應。就曉林和尚出家得度。亮機和尚是也。和尚之於禪師肉兄而
法弟。親愛正看也。交以六年癸未禪師十九歲得授業師之許。初行脚掛

錫于美濃龍泰寺。來應和尚座下。和尚曰。參禪辨道之士。須先立誓詞。禪
師有諾。輒立三誓。文載于本錄。禪師在來應座下。精勵不退。六年協不着。
席。天保元年庚寅冬歲廿六。選于龍泰第一座。翌年解制。直歸省于聖應。
入曉林和尚之室。嗣法了畢。為承陽下三十八世。法孫而授事了。再來龍
泰。三年戊辰夏。曉林和尚再會結制。來應和尚應請為西堂。禪師亦隨從。
在此會。解制自恣之日。離聖應。辭龍泰。為真個霄漢獨步之客。咨問善智
識于四方。到處被印。可英名知于宇內。而雲遊中。每解必一歸省。奉侍本
師。座右雜細詳辨。十年如一日。九年戊戌年三十四。參見風外和尚。于三
州足助香積寺。從前疑團頓水消得。洒落之境界。親侍巾瓶。十二年辛丑
年三十七。風外和尚讓香積寺于俊龍和尚。隱棲。混華鳥島樓。禪師亦隨
從焉。一日和尚講楞嚴經。到無著心宗之語。禪師忽然大悟。此年三月廿
三日。來應和尚遷化。禪師欲往拜塔。乞暇。和尚作偈二首授之。其一曰。荷
法誠心不等閑。三年扶我至機關。叢林衰廢思君與。臨別為歌行路難。其

二日林下今無獅子遊野于只見聚同流老禪賴有抱慷慨莫混邪網絡
 倭儔禪師拜塔了遂歸聖應翌年夏風外和尚出京師提唱碧巖集禪師
 來侍講筵十四年辛丑禪師年三十九本師曉林和尚以老病退休召禪
 師讓席禪師辭以道業未成仍勸曉林之法弟契禪和尚令繼席再到京
 師據風外和尚此年五月廿三日曉林和尚示寂遺偈曰夢中說夢六十
 九年末後行脚倒醜鐵船噴閻王來也三十棒禪師來修茶毘禮翌年秋
 禪師思惟紫陌紅塵汚我耳目道業之障礙也捨喜怒哀樂不如山居於
 此頻有雲煙之願議之舊識俊靈和尚和尙曰洛之北八九里有大悲山
 勝幽之地也。可以為師聖胎長養之所禪師喜告之風外和尚和尙笑曰
 山可也水可也卓錫之處即是道場也仍賦偈曰大悲山裡道超嶺又超
 峰何日尋芳躅雲間得再逢禪師和曰鳥道伴游龍穿雲入萬峯善財非
 種草何用更相逢訣別遂入山入山之後亦屢來問安否不怠請益要證
 上之修也弘化四年丁未年四十三城州山科大宅寺藏雲和尚借禪師

之久山居。箱光味跡自退休大宅請禪師董席禪師追藏雲和尚誠意難
 棄遂出山住大宅寺乃禪師住職之最初也藏雲和尚得禪師領承喜其
 輒捧掛搭狀于禪師參禪於座下雖道情之厚處雖德以之歸處非尋常
 一樣之談也此年二月禪師謁于能山祖堂轉衣式了直上帝京拜載
 給旨歸山後始張化門大宅之枯淡屋壁不修門庭草封禪師固不為意
 荒涼洒掃自勤作務自率先而乾飯水粥纔辨給耳艱苦可思也此頃雲
 州坂田鄉德林寺闕住職其檀徒勝部某氏雲州豪農也夙聽禪師之德
 誼以德林寺請焉禪師以大宅寺新住辭之勝部氏敢請於于此禪師勸
 風外之法嗣覺印和尚令代赴于請此年六月廿二日風外和尚滅度禪
 師就而從事津送有追悼偈載本錄七月聖應契禪和尚遷化禪師常後
 董五年五月護大宅于道耕和尙遂晉山于聖應聲名已揚隨從領五十
 餘員此冬禪師赴武州末野少林寺大運和尚初會結制西堂之請此為
 禪師助化之始嘉永二年己酉三月移轉于上州前橋龍海院係番主酒

井侯之歸依與先董正牛和尚之懇請也。聖應後席為亮機和尚禪師開化門于龍海更出新手段。接來賓于懸崖斷壁之險。辛々辣々不假貸。恣釐於于此。聲名高揚。德光遠近。遐邇聞名。吞聲四方。助化之請。繼續無間。斷謂震蕩天下。非過賞也。安政四年丁巳十月。遇加州天德院之請。洞門和尚之後席也。以能山之特選。與大守之歸依也。龍海後輩為藏雲和尚。六年已未。亮機和尚遷化。禪師來点檢百般。次修行先師曉林和尚。十七回之恩忌。掃塔。偈載本錄。粵。明治初年。越能兩山之間。宿習之葛藤。一時紛起。交讎軋轢。水火不音。現出宗門瓦崩之形狀。禪師迫不得已之勢。迷帶能山代理之任。奔走東西兩京之間。百方料理。終撥掃數百年之弊習。致兩山穩和之實効。當時倘微禪師。宗門作七零八散之狀。吁可謂中興之功業也。明治三年七月廿五日。辱賜勅號。並總持寺住持職之宣命。文揭于左。

諸嶽翠鎖。遮斷佛魔之往還。總持門開。縱任龍象之蹴躡。時雖風滅。却法豈有古今。奕堂和尚。轉舊窠窟。提新定機。會觸著來應之鉗鎚。鈍鐵去。鑛更投入。風外之爐鞴。真金放光。不憚千辛。屢掃蕩妖邪。陰翳不消。一涅自挽。回法海狂瀾。德光輝寰宇。道價馳丹壠。仍特賜弘濟慈德禪師號。暨總持寺住持職。宣旨誠是宗門盛榮。彌抽懇念。宜奉新四海。

泰平玉體安全者也

明治三年七月廿九日

大納言(花押)

廿九日參內拜。天顏謝恩。九月能山晉山。諸法語載本錄。天德後席。活宗和尚任之。禪師天德住職中。雖兩山紛議稍定。尚為保一宗平穩。再出東京。與越山協議。屢具申大藏省。當時該省管轄社寺。終得省卿懇切之演達。致兩山真正之和諧。當時左祖于禪師之此舉者。信州靈松寺達淳氏。攝州大光寺彥龍氏。遠州可睡齋穆山氏。越後慈光寺琢

宗氏等是也。禪師雖功名勳業普及于滿天下乎。廣施度生之念。不措一日。

二百十四

一日鳥藤芒鞋攀雲涉水不改客履。三昧凡有請無不到。處二十一年二月。龍山落僧堂許雲仍掛錫。天德院悟由和尚來資爲西堂。十二年三月。禪師在東京草兩山盟約暨宗門制度等。此夏東北諸國門葉及檀徒交々。有請禪師赴之。巡教累月。有初後大山善寶寺戒會之請。八月發酒田舟。路到于大山舟中病發着于大山稍危篤。雖然禪師性剛不屈。到善寶寺。寺主迎門引到于法堂。五磬三禮等如式。直入便房。隨徒青山大如氏小野禪機氏等先到。看護謹蜜也。禪師命浴。大如氏侍湯沐。雖笑語如常。呼吸促迫。面貌悴然大如氏不覺淚下。浴罷進湯。半盃止曰。堂也。化緣盡矣。宜發電報于宗務局。言訖就薨。宗靜無聲息。如眠滅度。實明治十二年八月廿四日午後六時也。

善寶寺主素欣慕禪師。歛泣營茶毘。寺後有龜山。殘遺骸山上。葺板作屋。香華燈燭。嚴飾辨備。四衆參禮恭敬。圍繞群環如堵。隨從衆僧戮力修行。

茶毘不借一人俗侶之手。靈骨收送能山。聚餘灰。燒龜山。建塔與能山塔。有二所。舊隨金岡古典氏構一庵于龜山塔側。奉侍塔所。如禪師在日東京駒込養昌寺。秋田縣湊町蒼龍寺兩所。結集慈德講。荷恩之隨徒信者相倚。爲報恩謝德之場。嗚呼人之沒而光感之貽于後。豈可不謂弘濟乎。

明治廿四年四月廿八日印刷
同 年五月一日出版

編輯兼發行人

金 山 貫 苗

東京市本郷區西須賀町二番地

印刷人

山 本 新 吉

東京市神田區西今川町三番地

100-100000-100000

懶眠餘稿

国立国会図書館

特22

126

019876-000-1

特22-126

懶眠余稿

梅崖/著

M24.5

ABG-0708

